



### Udruženje Žrtava i Svjedoka Genocida

<b>Ulica</b>	Vilsonovo šetalište 10/2, 71000 Sarajevo, BiH
<b>Tel. – Fax</b>	+387 (0)33 211 340
<b>Web – Email</b>	<a href="http://www.tortura.com.ba">www.tortura.com.ba</a> - <a href="mailto:info@tortura.com.ba">info@tortura.com.ba</a> <a href="mailto:udruzenje.zrtava.torture@gmail.com">udruzenje.zrtava.torture@gmail.com</a>
<b>ID broj Račun</b>	4201644760006 1346631006994478 - ASA Banka

## *Udruženje Pokret "Majke enklave Srebrenica i Žepa"*

71000 Sarajevo, Nedima Filipovića 17, tel./fax: +387 (0) 33 610 801, tel.: 522 266  
e-mail: [srebrenica.zepa@bih.net.ba](mailto:srebrenica.zepa@bih.net.ba)

Broj: 172/2022

Datum: 31.10.2022. godine

Predmet: Saopštenje za javnost, dopisi upućeni:

H.E. Antonio Guterres, generalni sekretar UN  
Graciela Gatti Santana, predsjednica MICT-a  
Serge Bramertz, glavni tužilac MICT-a  
Vlada Velike Britanije, na ruke Premijera

Radovan Karadžić, međunarodni ratni zločinac, ne odustaje od pokušaja da izbjegne služenje doživotne robije zbog počinjenog genocida i četiri zločinačka poduhvata u kojima je bio jedan od glavnih planera. Republika Srbija uz pomoć Ruske federacije je angažirala preko 120 tzv.srpskih intelektualaca, uglavnom osoba koje su u proteklim ratovima učestvovali, rukovodili i pružali podršku Radovanu Karadžiću, Slobodanu Miloševiću, Jovici Stanišiću, Frenkiju Simatoviću, Ratku Mladiću i drugim zločincima,da napišu pismo u kojem kritikuju vladu Velike Britanije, MICT i navodne loše uslove u britanskom zatvoru u kojem boravi Radovan Karadžić među "intelektualcima" se nalazi međunarodni ratni zločinci, njihovi pomagači i osobe koje ne priznaju naslike ICTY/MICT iz Den Haga.Već dugo su se u Srbiji probudili "aveti prošlosti" koji ne biraju sredstva da štite ratne zločince, negiraju zločine i čak glorificiraju zločin i zločince, te ovo pismo to i potvrđuje. Molimo Vas da ne nasjedate na provokacije iz Srbije i mi žrtve smo duboko ubjeđeni da Radovan Karadžić u Velikoj Britaniji uživa najviši, dozvoljeni stepen prava, kao presuđeni međunarodni zločinac shodno zakonima u Velikoj Britaniji.

Podržavamo rad MICT i opredjeljenost Velike Britanije da sarađuje i pruža pomoć MICT. Mi žrtve nikada nismo dobili bilo kakvu podršku ili vidjeli emociju koja bi dolazila iz Srbije.

I dan danas Srbija i njezini "intelektualci" negiraju zločin genocida presuđen od ICTY/MICT i ICC.

Molimo Vas da ne obraćate pažnju na one koji danas pišu pisma podrške Radovanu Karadžiću boreći se za njegova demokratska prava, a ranije su pred ICTY/MICT svjedočili o nevinosti Radovana Karadžića, optužujući nas žrtve da smo sami sebe ubijali i da su logori smrти bili hoteli sa 5 zvjezdica.

Danas nažalost moramo čitati iste lažne priče koje dolaze iz Srbije i Rusije, da se ratnim zločincima uskraćuju njihova demokratska prava.

Tražimo da preuzmete mjere iz vaše nadležnosti i da tzv. intelektualcima u saradnji sa drugim državama i institucijama, a zbog laži i dezavuisanja međunarodne javnosti, zabranite ulazak u zemlje EU svima onima koji su svojim potpisima pokušali prevariti i ismijati vas i međunarodno pravo.

S poštovanjem,



Predsjednica Udruženja Pokret Majke enklava  
Srebrenica i Žepa  
Gda. Munira Subašić

